



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-05-39122-26/18  
Sarajevo, 03.01.2019. godine

**KANTON SARAJEVO**  
**SKUPŠTINA KANTONA SARAJEVO**  
**- OVDJE -**

**PREDMET:** Odgovor na zastupničko pitanje zastupnika Zvonke Marića, dostavlja se

Zastupnik Zvonko Marić je na Prvoj radnoj sjednici Skupštine Kantona Sarajevo održanoj dana 19.12.2018. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje vezano za „dostavljanje informacija vezano za pomoćnike ministara u svim ministarstvima Vlade Kantona Sarajevo“:

„Molim da mi se u pisanoj formi dostavi spisak svih pomoćnika ministara u svakom ministarstvu Vlade Kantona Sarajevo koji će uključivati i sljedeće:

1. Resori kojima su zaduženi pomoćnici ministara
2. Iznosi mjesečne neto plaće, toplog obroka, regresa kao i drugih primanja tokom 2018, godine svakog pomoćnika ministra
3. Spisak komisija, odbora, te ostalih organa kao i rukovodećih mjesta u sindikatima, poslova koje obavljaju van organa uprave poput sudskih vještaka i slično, a čiji su članovi pomoćnici ministara, uključujući one za koje primaju bilo kakvu naknadu iz javnih sredstava, te i one za koje ne primaju naknadu
4. Iznose mjesečnih naknada koje primaju pomoćnici ministara kao članovi komisija, odbora i ostalih organa
5. Vremenski period od kada obavljaju poslove kao članovi gore spomenutih komisija, odbora...“

Na postavljeno pitanje dajemo slijedeći

### ODGOVOR

Ministarstvo za boračka pitanja Kantona Sarajevo, shodno važećem Pravilniku o unutrašnjoj organizaciji Ministarstva za boračka pitanja broj: 06-02-34045/16 od 30.11.2016. godine, se sastoji od tri organizacione jedinice čiji rukovodioci su državni službenici – pomoćnici ministra, te Kabineta ministra, kao vanorganizacione jedinice kojom rukovodi Sekretar ministarstva.

U Ministarstvu za boračka pitanja su uposlena tri rukovodeća državna službenika – pomoćnika ministra:

- Derva Husejnović, diplomirani pravnik,
- Osman Smajlović, diplomirani socijalni radnik i
- Velid Imamović, diplomirani ekonomista.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

1. Navedeni uposlenici su zaduženi resorima/sektorima kako slijedi:

Sektor za pravne, opće i administrativne poslove, rukovodilac Derva Husejnović  
Sektor za boračko-invalidsku zaštitu, rukovodilac Osman Smajlović  
Sektor za ekonomske poslove i projekte, rukovodilac Velid Imamović

2. Iznosi plata i pripadajućih naknada je za sve državne službenike i namještenike utvrđen Zakonom o plaćama i naknadama u organima vlasti Kantona Sarajevo („Službene novine Kantona Sarajevo“ br. 33/11, 5/13 i 9/15).

Pomoćnici ministra su uvršteni u III platni razred sa koeficijentom 5,7.

Osnovica za obračun plaće je za 2018. godinu utvrđena odredbama Zakonu o izvršenju budžeta Kantona Sarajevo za 2018. godinu („Službene novine Kantona Sarajevo“ br. 51/17 i 28/18) u iznosu od 290,00 KM.

Plata pomoćnika je iznosila 1653,00 KM uvećana za koeficijent minulog rada (0,5% godišnje, maksimalno 20%).

Topli obrok je utvrđen u iznosu od 1% prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku i isplaćivan je prema prisustvu na poslu (cca 8,5 KM/dan).

Naknada za vrijeme godišnjeg odmora (regres), je utvrđena u visini 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku i za 2018. godinu je za sve uposlenike isplaćen u iznosu od cca 415 KM.

Nisu predviđene niti isplaćene druge naknade.

3. Vežano za pitanja pod brojem 3., 4. i 5., koja se odnose na članstvo u komisijama, odborima i drugim tijelima kao i angažman van Ministarstva za boračka pitanja sa periodom rada i naknadama ističemo slijedeće.

- Derva Husejnović

Nije član niti jednog upravnog niti nadzornog odbora, a nema ni angažman na poslovima van organa uprave kao što je sudski vještak i slično.

U dva navrata je bila član Komisije za izbor državnog službenika u Ministarstvu za boračka pitanja Kantona Sarajevo. Radilo se o jednokratnom angažmanu koji je završen i za koji je plaćeno po 50 KM (iznos za isplatu „na ruke“).

Imenovana je bila član Stručnog tima za izradu Programa zapošljavanja boračke populacije u KS za 2018/2019. god. i za praćenje realizacije Programa zapošljavanja boračke populacije u KS za 2017. godinu. Za rad u timu je bila utvrđena mjesečna naknada od 200KM (iznos za isplatu „na ruke“) i ista se isplaćivala u periodu februar-oktobar 2018. godine. Tim je okončao sa radom zaključno sa mjesecom oktobrom.





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Navedene Komisije/timovi su završile sa aktivnostima zbog kojih su bile formirane. Imenovana je u od 28.10.2016. godine imenovana za člana Kantonalnog odbora za razvoj za proces implementacije Strategije razvoja Kantona Sarajevo do 2020. godine kao predstavnik Ministarstva za boračka pitanja. Za rad nije isplaćivana naknada.

- Osman Smajlović

Nije član niti jednog upravnog niti nadzornog odbora, a nema ni angažmana na poslovima van organa uprave kao što je sudski vještak i slično.

U Ministarstvu za boračka pitanja je u 2018. godini bio član Komisije za javne nabavke Ministarstva za boračka pitanja Kantona Sarajevo za 2018. godinu, Odbora za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995.godine, a bio je član Pododbora za operativno-tehničke poslove i logistiku Manifestacije Odbrana BiH Igman 2018., te Organizacionog odbora i Operativne radna grupa XVI Međunarodnog memorijalog boksterskog turnira „Mustafa Hajrulahović Talijan“, s obzirom da je u organizaciji ovih manifestacija učešće uzelo Ministarstvo za boračka pitanja.

Za rad nije bila predviđena mjesečna naknada ali je u nekoliko navrata doneseno rješenje o utvrđivanju jednokratne, odnosno naknade za obavljene poslove:

Komisija za javne nabavke: u dva navrata naknada od po 333,30 KM (neto iznos sa uključenim porezom na dohodak)

Odbor za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine: u dva navrata naknada od po 444,44 KM (neto iznos sa uključenim porezom na dohodak)

Pododbor za operativno-tehničke poslove i logistiku Manifestacije Odbrana BiH Igman 2018. - jednokratna naknada od 350,00 KM (iznos za isplatu „na ruke“).

Operativne radne grupe XVI Međunarodnog memorijalog boksterskog turnira „Mustafa Hajrulahović Talijan“ - jednokratna naknada od 350,00 KM (iznos za isplatu „na ruke“).

Komisije/timovi u kojima je imenovani radio su završile sa aktivnostima zbog kojih su bile formirane

- Velid Imamović

Imenovani je član Nadzornog odbora Fonda Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“ 29.09.2017. godine u trajanju od 4 godine.

Ministarstvo za boračka pitanja finansira rad Fonda i nad istim vrši nadzor, pri čemu delegira po jednog člana Nadzornog kao i Upravnog odbora.

Za rad u Nadzornom odboru je utvrđena mjesečna naknada u iznosu od 250,00 KM (neto iznos sa uključenim porezom na dohodak).





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Imenovani je 15.02.2018. godine imenovan za člana Interresornog tima za izradu i implementaciju Akcionog plana za unapređenje prava i položaja osoba sa invaliditetom u Kantonu Sarajevo za 2018-2021. godinu Vlade Kantona Sarajevo kao predstavnik Ministarstva za boračka pitanja Kantona Sarajevo.

Za rad nije predviđena niti isplaćivana naknada.

U Ministarstvu za boračka pitanja je u 2018. godini bio član Komisije za javne nabavke Ministarstva za boračka pitanja Kantona Sarajevo za 2018.

Za rad nije bila predviđena mjesečna naknada ali je u dva navrata doneseno rješenje o utvrđivanju jednokratne, odnosno naknade za obavljene poslove od po 333,30 KM (neto iznos sa uključenim porezom na dohodak)

Ova Komisija je završila sa aktivnostima zbog kojih je bila formirana.

Imenovani nije bio član drugih odbora, komisija i slično niti ima angažmana na poslovima van organa uprave kao što je sudski vještak i slično.

S poštovanjem,

Obradio: Imamović Velid



**Dostaviti:**

- Predsjedavajući Skupštine Kantona Sarajevo,
- Stručnoj službi Vlade Kantona Sarajevo,
- evidencija,
- a/a.

